

წლიური ანგარიში საქართველოს შინაგან საქმეთა სამინისტროს პროგრამების შესახებ

1. სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება

1.1 პროგრამის დასახელება და პროგრამული კოდი: საზოგადოებრივი წესრიგი, სახელმწიფო საზღვრის დაცვა და საერთაშორისო თანამშრომლობის გაერთიანება/გაღრმავება (30 01)

პროგრამის განმახორციელებელი: საქართველოს შინაგან საქმეთა სამინისტროს ორგანოები და საქართველოს შინაგან საქმეთა სამინისტროს – სახელმწიფო საქვეუწყებო დაწესებულება საქართველოს სასაზღვრო პოლიცია

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	წლიური საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 01	საზოგადოებრივი წესრიგისა და სახელმწიფო საზღვრის დაცვა	578,177.0	583,129.0	582,965.4	100.0%	0.00

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

საანგარიშო პერიოდში მიმდინარეობდა საქართველოს შინაგან საქმეთა სამინისტროს სისტემაში შემავალი და სხვა სამსახურების მიერ გამოვლენილი დანაშაულისა თუ სამართალდარღვევების ცენტრალიზებული აღრიცხვა, ინფორმაციის დამუშავება და ანალიზი;

სისტემატიურად გაიცემოდა სტატისტიკური და სხვა სახის ინფორმაციები სხვადასხვა სამსახურებიდან და ორგანიზაციებიდან შემოსული მოთხოვნების შესაბამისად. პერმანენტულად მიმდინარეობდა სხვადასხვა მნიშვნელოვანი ინფორმაციის დაგროვება და ანალიზი მაგალითად ოჯახურ კონფლიქტებთან და ძალადობებთან, საგზაო - სატრანსპორტო შემთხვევებთან დაკავშირებული ინფორმაცია. სტატისტიკისა და კრიმინალური სოციოლოგიის განყოფილებაში, 2014 წლის 12 თვეში აღირიცხა 1 371 203 ადმინისტრაციული ოქმი, საკადრო შემოწმება გაიარა 136 409 პირმა, გაიცა ცნობა ნასამართლეობაზე – 121 282, ნასამართლეობაზე შემოწმდა და ოპერატიული შემოწმება გაიარა 119 687 პირმა, განხორციელდა 13 043 პირის იდენტიფიცირება, ინფორმაციულ ბაზასთან მიმართებაში ჩატარებულია 14 394-მდე სხვადასხვა ოპერაცია, ასევე სისტემატიურად ხორციელდებოდა მონაცემთა ბაზაში არსებული შეცდომების აღმოჩენა და სათანადო დანაყოფებისათვის გადაგზავნა შემდგომი რეაგირების მიზნით;

საანგარიშო პერიოდში დაიწყო და მიმდინარეობს ინფორმაციის დაგროვება და შემდგომი ანალიზი ოჯახურ კონფლიქტებთან და ძალადობებთან, ნარკოდანაშაულთან ბრძოლასა და საგზაო-სატრანსპორტო შემთხვევებთან დაკავშირებით;

საქართველოს შინაგან საქმეთა სამინისტროს სამსახურებრივ რესურსებზე წვდომის უსაფრთხოების გაზრდის მიზნით ერთჯერადი პაროლის გენერაციის მოწყობილობები გაცემულია უფლებამოსილ თანამშრომლებზე – 3 424 ერთეული;

კანონსაწინააღმდეგო ქმედებათა აღკვეთის მიზნით საანგარიშო პერიოდში: საზღვრის უკანონო გადაკვეთაზე დაკავებულია 56 პირი; სასაზღვრო რეჟიმის დარღვევაზე - 72 პირი; დაფიქსირდა საჰაერო სივრცის დარღვევის 7 ფაქტი; საქართველოს საზღვაო სივრცეში გამოვლენილ იქნა სახელმწიფო საზღვაო საზღვრის დარღვევის 156 ფაქტი;

სანაპირო დაცვის დეპარტამენტის მიერ საქართველოს საზღვაო სივრცეში დაფიქსირდა 108 ადმინისტრაციული სამართალდარღვევა და გამოვლენილ იქნა სისხლის სამართლის 1 დანაშაული. სახელმწიფო ბიუჯეტის სასარგებლოდ ამოღებული თანხის ოდენობამ დაახლოებით შეადგინა 1 500 000 ლარი;

განხორციელდა სამაშველო ოპერაციები ზღვაზე ადამიანის ძებნის და მისი სიცოცხლის გადარჩენის მიზნით;

დაკავებულთა ინფორმირებისა და მათი უფლებების დაცვის მიზნით, საქართველოს მასშტაბით ყველა დროებით მოთავსების იზოლატორში თვალსაჩინო ადგილას (საკნებთან და საგამოძიებო ოთახებთან), განთავსებულია ბრალდებულის სახით დაკავებულთა და ადმინისტრაციული წესით დაკავებულთა პროცესუალური უფლებების ნუსხა 4 ენაზე (ქართული, რუსული, აზერბაიჯანული, სომხური);

„საქართველოს მთავრობასა და ისრაელის სახელმწიფოს მთავრობას შორის დანაშაულის წინააღმდეგ ბრძოლაში თანამშრომლობის შესახებ“ შეთანხმების ფარგლებში, გაიმართა სამუშაო ჯგუფების შეხვედრები საექსპერტო-კრიმინალისტიკურ მთავარ სამმართველოში, ცენტრალური კრიმინალური პოლიციის დეპარტამენტის კიბერ დანაშაულთან ბრძოლის სამმართველოსა და სპეციალური ოპერაციების დეპარტამენტში;

განხორციელდა გერმანიის ფედერალური კრიმინალური სამსახურის დელეგაციის ვიზიტი საქართველოს შინაგან საქმეთა სამინისტროში. მხარეებმა გამოთქვეს შესაბამის სამსახურებს შორის მჭიდრო თანამშრომლობის სურვილი, განსაკუთრებით ორგანიზებული დანაშაულის წინააღმდეგ ბრძოლის, კრიმინალისტიკისა და თანამშრომელთა კვალიფიკაციის ამაღლების სფეროებში;

განხორციელდა ავსტრიის ფედერალური კრიმინალური სამსახურის დელეგაციის ვიზიტი საქართველოში. ავსტრიულმა მხარემ წარადგინა ევროკავშირის საერთაშორისო საპოლიციო თანამშრომლობის კოორდინაციის პროექტი (ILECU), რომლის მიზანია საქართველოს შინაგან საქმეთა სამინისტროში ეროვნულ დონეზე საპოლიციო თანამშრომლობის ცენტრალური დანაყოფის შექმნა, რომელიც კოორდინაციას გაუწევს შს სამინისტროს ფარგლებში განხორციელებულ საპოლიციო თანამშრომლობის საკითხებს. მხარეები შეთანხმდნენ ორგანიზებული დანაშაულის წინააღმდეგ ბრძოლის სფეროში თანამშრომლობის საკითხებზე;

ქ. ანკარაში გაიმართა საქართველოს მთავრობასა და თურქეთის რესპუბლიკის მთავრობას შორის უსაფრთხოების სფეროში თანამშრომლობის შესახებ შეთანხმების შესაბამისად დაფუძნებული ერთობლივი კომისიის შეხვედრა;

განხორციელდა თურქეთის ეროვნული პოლიციის ექსპერტთა ჯგუფის ვიზიტი საქართველოში. შეხვედრებზე თურქეთის ეროვნული პოლიციის ექსპერტთა ჯგუფი გაეცნო

ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების და ასევე ახალი ფსიქოაქტიური ნივთიერებების შესახებ კანონმდებლობას, მისი გამოყენების სპეციფიკასა და ნარკოტიკების წინააღმდეგ ბრძოლის სტრატეგიას.

შინაგან საქმეთა სამინისტროს ცენტრალური კრიმინალური პოლიციის დეპარტამენტის ტრეფიკინგის და არალეგალური მიგრაციის წინააღმდეგ ბრძოლის სამმართველოს, ასევე საქართველოს მთავარი პროკურატურის თანამშრომლებს, ჩაუტარდათ ტრეინინგი ტრეფიკინგის წინააღმდეგ ბრძოლის კუთხით განხორციელებული საკანონმდებლო ცვლილებების ეფექტურად იმპლემენტაციის მიზნით.

საქართველოს მიგრაციის სტრატეგიისა და სამოქმედო გეგმის მიხედვით საქართველოს შინაგან საქმეთა სამინისტრო განისაზღვრა არალეგალური მიგრაციასთან ბრძოლაში წამყვან უწყებად;

2014 წელს განხორციელდა მასშტაბური ანტინარკოტიკული კამპანია სლოგანით „ერთად შევცვალოთ დამოკიდებულება“. კამპანიის ფარგლებში დამზადდა სატელევიზიო ვიდეორგოლები, დაიბეჭდა მაისურები, ბანერები, სამაჯურები, გულსაკიდები; ასევე, შს მინისტრმა და სამინისტროს წარმომადგენლებმა საინფორმაციო ხასიათის შეხვედრები გამართეს სკოლის მოსწავლეებთან და სტუდენტებთან;

საანგარიშო პერიოდში თითქმის დასრულდა საზღვარგარეთის ქვეყნებში აკრედიტირებულ საქართველოს შესაბამის დიპლომატიურ წარმომადგენლობებში საქართველოს შინაგან საქმეთა სამინისტროს წარმომადგენლების (პოლიციის/უშიშროების ატაშეები) წარგზავნა, გამომდინარე აქედან სამინისტროს მიერ გამოყოფილ იქნა მათი შენახვისათვის, მგზავრობისათვის, განთავსებისათვის, პირველადი მოწყობისათვის და სხვა დამატებითი ხარჯებისათვის საჭირო ასიგნებები.

საანგარიშო პერიოდში მომზადდა დოკუმენტური გადაცემების ციკლი სახელწოდებით „იდეტიფიკაცია“, რომელიც ასახავს შს სამინისტროს სხვადასხვა დანაყოფის მუშაობას (9 სერია);

2014 წლის განმავლობაში კაპიტალური და მიმდინარე სარემონტო სამუშაოები ჩაუტარდა საქართველოს შინაგან საქმეთა სამინისტროს სახელმწიფო საქვეუწყებო დაწესებულების - სასაზღვრო პოლიციის კუთვნილ კატარლას (სადარაჯო ხომალდი p24) და ასევე საქართველოს თვადაცვის სამინისტროდან გადმოცემულ საფრენ აპარატებს;

საანგარიშო პერიოდში დასრულდა კინოლოგიის სამსახურის ინფრასტრუქტურის განვითარება. კერძოდ, კეთილმოეწყო მთლიანი ტერიტორია, გარემონტდა ადმინისტრაციული შენობები მორიგე თანამშრომლებისთვის და ოდოროლოგიური ექსპერტიზის მიმართულებისთვის, ასევე რეკონსტრუქცია ჩაუტარდა ვეტერინარულ ბლოკს, რომელიც აღიჭურვა საოპერაციო ინსტრუმენტებითა და ინვენტარით, გარემონტდა ვოლიერები, ძაღლებისთვის მოეწყო სავარჯიშო ტერიტორია;

საანგარიშო პერიოდში:

დასრულდა დაბა გუდაურში და საჩხერის რაიონის სოფელ გორისაში პოლიციის განყოფილების ახალი შენობების მშენებლობა;

გაუმჯობესდა დროებითი მოთავსების იზოლატორების ინფრასტრუქტურა და შესაბამისობაში იქნა მოყვანილი საერთაშორისო სტანდარტებთან;

ახლად აშენებული მიგრაციის ცენტრი დაკომპლექტდა თანამედროვე აღჭურვილობითა და ინვენტარით;

გარემონტდა საქართველოს შინაგან საქმეთა სამინისტროს რიგი ადმინისტრაციული შენობები;

2013 წელს მინისტრის გადაწყვეტილებით დაიწყო და დღემდე მიმდინარეობს სამინისტროს თანამშრომლებზე ერთჯერადი დახმარებების გაცემა ოჯახის წევრის გარდაცვალების (მეუღლე, შვილი, დედა, მამა), დაქორწინებისა და შვილის შეძენის შემთხვევაში; ასევე სამინისტროს იმ თანამშრომლებზე, ვისაც ყავს ოთხი და მეტი შვილი ხორციელდება მინისტრის მიერ დაწესებული შესაბამისი დანამატების გაცემა;

დასახული საბოლოო შედეგები:

- საზოგადოებრივი წესრიგისა და სახელმწიფო საზღვრის უსაფრთხოების დაცვა;
- სამინისტროს ბალანსზე არსებული შენობა-ნაგებობების რეაბილიტაცია და ახალი შენობების მშენებლობა, მათი მიმდებარე ტერიტორიების კეთილმოწყობა და დაცვითი სისტემებით უზრუნველყოფა;
- სახელმწიფო საზღვრის ხელშეუხებლობის უზრუნველყოფა;
- კონტრაბანდული საქონლის ექსპორტისა და იმპორტის მინიმუმამდე შემცირება;
- ნაოსნობის უსაფრთხოების უზრუნველყოფა, ნაოსნობის წესების დაცვა;
- საზღვაო სივრცეში სამაშველო ოპერაციების განხორციელების შესაძლებლობის გაუმჯობესება, სახელმწიფო საზღვარზე, სასაზღვრო ზოლში, სასაზღვრო ზონაში და საზღვაო სივრცეში კანონსაწინააღმდეგო ქმედებათა შემცირება;
- დროებითი მოთავსების იზოლატორების ინფრასტრუქტურის რეაბილიტაცია და დაკავებულ პირთა ინფორმირება მათი უფლებების შესახებ;
- დაბრუნების, არალეგალური მიგრაციისა და რეადმისიის სფეროში შსს შესაძლებლობების გაზრდა;
- ევროკავშირის წევრ ქვეყნებთან, მეზობელ და სხვა სახელმწიფოებთან თანამშრომლობის შესახებ შეთანხმებების ინცირება და გაფორმება;

მიღწეული საბოლოო შედეგები:

- ამაღლდა გამოძიების ოპერატიულობა;
- განხორციელდა ადმინისტრაციული შენობების მშენებლობა-რეაბილიტაცია და გაუმჯობესდა სამინისტროს მატერიალურ-ტექნიკური ბაზა;
- შსს-ს გაზრდილი შესაძლებლობები დაბრუნების, არალეგალური მიგრაციისა და რეადმისიის სფეროში (კონკრეტული ღონისძიებების, გაფორმებული შეთანხმებებისა და საიმპლემენტაციო ოქმების რაოდენობა);
- ევროკავშირის წევრ ქვეყნებთან, მეზობელ და სხვა სახელმწიფოებთან თანამშრომლობის შესახებ ინიცირებული და გაფორმებული შეთანხმებები, პროგრამები;

მიღწეული საბოლოო შედეგების შეფასების ინდიკატორები:

- შემცირებული სისხლის სამართლებრივი დანაშაულთა რაოდენობა;
- შემცირებული გაუხსნელ დანაშაულთა რაოდენობა;
- სამინისტროს თანამშრომელთა გაუმჯობესებული სოციალური პირობები;
- თანამედროვე მოთხოვნების შესაბამისად განახლებული სამინისტროს ინფრასტრუქტურა და მატერიალურ-ტექნიკური ბაზა;
- საქართველოს სახელმწიფო საზღვრის კონტროლი;
- სახელმწიფო საზღვარზე, სასაზღვრო ზოლში, სასაზღვრო ზონასა და საზღვაო სივრცეში შემცირებული კანონდარღვევები;
- რეაბილიტირებული დროებითი მოთავსების იზოლატორების რაოდენობა/პროცენტული მაჩვენებელი; დაკავებულთა პროცენტული მაჩვენებელი, რომლებიც დაკავებისას ინფორმირებულნი იქნენ თავისი უფლებების შესახებ ან დაურიგდათ უფლებრივი მასალა;
- დაბრუნებული და რეადმისირებული პირების გაზრდილი რაოდენობა (სტატისტიკური მაჩვენებელი);
- სხვადასხვა ქვეყნებთან ერთობლივად განხორციელებული/გამოძიებული საქმეების, განხორციელებული პროგრამების გაზრდილი მაჩვენებელი;
- ოჯახში ძალადობის საქმეებზე გამოცემული შემაკავებელი ორდერების გაზრდილი რაოდენობა;
- შსს თანამშრომლების მიერ დისციპლინარული გადაცდომების შემცირებული მაჩვენებელი.

1.2 პროგრამის დასახელება და პროგრამული კოდი: ეროვნული საგანმურისა და დიპლომატიური წარმომადგენლობების დაცვის უსაფრთხოების დონის ამაღლება (30 02)

პროგრამის განმახორციელებელი: საქართველოს შინაგან საქმეთა სამინისტროს სსიპ დაცვის პოლიციის დეპარტამენტი

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	წლიური საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 02	ეროვნული საგანმურისა და დიპლომატიური	12,716.0	11,629.6	11,556.9	99.4%	0.00

	წარმომადგენლობის დაცვის უსაფრთხოების დონის ამაღლება					
--	--	--	--	--	--	--

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

უზრუნველყოფილ იქნა დიპლომატიური მისიებისა და მათი ხელმძღვანელების რეზიდენციების, განსაკუთრებით მნიშვნელოვანი სახელმწიფო ობიექტებისა და ეროვნული საგანძურის ობიექტების დაცვა.

დასახული საბოლოო შედეგები: დაცვის პოლიციის აღჭურვა დაცვითი ტექნოლოგიების სისტემების თანამედროვე აპარატურითა და რადიოგადამცემებით; შენობა-ნაგებობების მშენებლობა და რემონტი;

მიღწეული საბოლოო შედეგები: განხორციელდა დიპლომატიური მისიების, რეზიდენციების, განსაკუთრებით მნიშვნელოვანი სახელმწიფო ობიექტების, ეროვნული საგანძურისა და მნიშვნელოვანი ობიექტების დაცვა;

მიღწეული საბოლოო შედეგების შეფასების ინდიკატორები:

1. ეროვნული საგანძურისა და დიპლომატიური წარმომადგენლობების უსაფრთხოების დაცვის მაღალი დონე.

1.3 პროგრამის დასახელება და პროგრამული კოდი: სახელმწიფო მატერიალური რეზერვების შექმნა და მართვა (30 05)

პროგრამის განმახორციელებელი: სსიპ საქართველოს შსს მატერიალური რეზერვების დეპარტამენტი

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	წლიური საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 05	სახელმწიფო მატერიალური რეზერვების შექმნა და მართვა	356.0	302.0	297.5	98.5%	0.00

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

სახელმწიფო რეზერვების მატერიალურ ფასეულობათა ოპერაციების წარმოების ფარგლებში 2014 წელს განხორციელდა არსებული სტრატეგიული მარაგების სრულყოფილი მომსახურება. შესრულდა უიმედო დებიტორული დავალიანების ბალანსიდან მოხსნისა და ჩამოწერის სამუშაოები;

ჩატარებულია საკონტროლო შემოწმებები სახელმწიფო რეზერვში რიცხული იმ მატერიალური ფასეულობებისა, რომლებიც ჩაწყობილია სხვადასხვა ორგანიზაციებსა და უწყებებში;

მომზადდა და განხორციელდა სახელმწიფო მატერიალური რეზერვების დეპარტამენტის სასწავლო ვიზიტი პოლონეთის რესპუბლიკაში. პოლონეთისა და სხვა ქვეყნების გამოცდილებაზე დაყრდნობით, შემუშავებულ იქნა სსიპ სახელმწიფო მატერიალური რეზერვების დეპარტამენტის განვითარების კონცეფცია;

დასახული საბოლოო შედეგები: სახელმწიფო რეზერვების მატერიალურ ფასეულობათა ოპერაციების სრულყოფილად წარმოება.

მიღწეული საბოლოო შედეგები: სახელმწიფო რეზერვების, მატერიალურ ფასეულობათა უიმედო დებიტორული დავალიანების ბალანსიდან მოხსნა და ჩამოწერა.

მიღწეული საბოლოო შედეგების შეფასების ინდიკატორები:

ბალანსიდან მოხსნილი და ჩამოწერილი სახელმწიფო რეზერვების, მატერიალური ფასეულობების უიმედო დებიტორული დავალიანებების რაოდენობა;

2. სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: განათლება, მეცნიერება და პროფესიული მომზადება

2.1 პროგრამის დასახელება და პროგრამული კოდი: სამართალდამცავი სტრუქტურებისათვის მაღალკვალიფიციური კადრების მომზადება, გადამზადება, საარქივო ფონდების დიგიტალიზაცია, სამეცნიერო-კვლევითი საქმიანობა და მოქალაქეთა მომსახურება (30 03)

პროგრამის განმახორციელებელი: სსიპ საქართველოს შსს აკადემია

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	წლიური საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)

30 03	სამართალდამცავი სტრუქტურებისათვის მაღალკვალიფიციური კადრების მომზადება- გადამზადება და სასწავლო პროცესის ხელშეწყობა	5,139.0	5,515.0	5,514.2	100.0%	154.90
-------	---	---------	---------	---------	--------	--------

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

შს სამინისტროს აკადემიაში 2014 წელს საპოლიციო რეგულირების სამართლის სამაგისტრო პროგრამაზე ჩაირიცხა 39 სტუდენტი, შეიქმნა სასწავლო პროცესის მართვის ელექტრონული სისტემა (ბაზები), როგორც სტუდენტებისათვის, ასევე აკადემიური და ადმინისტრაციული პერსონალისათვის, ჩატარდა აკადემიური კონკურსი პროფესორ-მასწავლებლების ასაყვანად, განახლდა შსს აკადემიის ბიბლიოთეკის მონაცემთა ბაზა, დამუშავდა და შეიცვალა შიდა სამართლებრივი დოკუმენტები (მიღების წესი, რეგლამენტი და ა.შ.).

შს სამინისტროს ფარგლებში განხორციელდა პატრულ-ინსპექტორთა, უზნის ინსპექტორთა და დეტექტივ-გამომძიებელთა ტესტირება. დეტექტივ-გამომძიებლის მომზადების სპეციალური პროფესიული საგანმანათლებლო პროგრამა გაიარა 196 თანამშრომელმა, დაწინაურების კანდიდატთა გადამზადების სპეციალური პროფესიული საგანმანათლებლო პროგრამა დაამთავრა 96 თანამშრომელმა, წვევამდელების სპეციალური მომზადებისა და პოლიციის უმცროსი ლეიტენანტის სპეციალური წოდების მისანიჭებელი სპეციალური მომზადების კურსი გაიარა 290 მოსამსახურემ, არასრულწლოვანთა პედაგოგიკისა და ფსიქოლოგიის სპეციალური სასწავლო კურსი დაამთავრა 225 თანამშრომელმა, მომსახურების სააგენტოს თანამშრომელთა ტრეინინგი ეფექტურ მომსახურეობის სტანდარტებში დაამთავრა 322 მოსამსახურემ, უზნის ინსპექტორთა, მესაზღვრეთა და პატრულ ინსპექტორთა სპეციალური პროფესიული საგანმანათლებლო პროგრამა გაიარა 301 მოსამსახურემ, სტრატეგიული მილსადენების დაცვის დეპარტამენტის თანამშრომელთა მომზადების კურსი გაიარა 379 მოსამსახურემ, უწყებათა ტრეინინგი კორუფციის, კრიმინალურ და ტერორიზმის საკითხებზე ჩატარდა 284 თანამშრომელს, ცეცხლსასროლი იარაღისა და სპეციალური საშუალებების გამოყენების სპეციალური მომზადების კურსი გაიარა 1 104 თანამშრომელმა, საქართველოს საბანკო მომსახურეობის საინკასაციო სამსახურის სპეციალური მომზადების კურსი დაამთავრა 27 პიროვნებამ, საბუღალტრო კომპიუტერული პროგრამა “ORIS”-ში მომზადების კურსი გაიარა სამინისტროს 16 თანამშრომელმა, კვალიფიკაციის ამაღლების მიზნით სხვადასხვა ჯგუფებში მიმდინარეობს შინაგან საქმეთა სამინისტროს თანამშრომლების გადამზადების პროგრამა. საქართველოს განათლებისა და მეცნიერების სამინისტროს მანდატურის სამსახურის მანდატურთა სპეციალური სწავლება გაიარა 158 პიროვნებამ;

საანგარიშო პერიოდში განხორციელდა ააიპ „საკალათბურთო კლუბი შსს აკადემია“-ს დაფინანსება.

საანგარიშო პერიოდში მომზადდა საარქივო დოკუმენტების ანოტაციები, განხორციელდა საარქივო ფონდების დეტალური აღწერილობის მონაცემთა ბაზაში შეტანა, ხოლო დაზიანებულ საარქივო მასალებს ჩატარდა რესტავრაცია;

დასახული საბოლოო შედეგები:

- სამართალდამცავი სტრუქტურების მაღალკვალიფიციური კადრებით დაკომპლექტება;
- შსს თანამშრომელთა მიერ ეთიკის კოდექსის პრინციპების სრულყოფილად დაცვა;
- სამართალდამცავთა მიმართ საზოგადოებრივი ნდობის ზრდა;
- სასწავლო პროცესის ხელშეწყობის მიზნით აკადემიის მაღალი დონის მატერიალურ-ტექნიკური ბაზით უზრუნველყოფა.

მიღწეული საბოლოო შედეგები:

- გაიზარდა სერთიფიცირებული კადრების რაოდენობა;
- სამართალდამცავ სტრუქტურებში გაუმჯობესდა მენეჯმენტი; ჩამოყალიბდა საზოგადოებაზე ორიენტირებული პოლიცია (გაიზარდა საზოგადოების ნდობა).

მიღწეული საბოლოო შედეგების შეფასების ინდიკატორები:

- კადრების პროფესიონალიზმისა და კვალიფიკაციის ამაღლება;
- გაუმჯობესებული ინფრასტრუქტურა.

3. სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: ხელმისაწვდომი ხარისხიანი ჯანდაცვა და სოციალური უზრუნველყოფა

3.1 პროგრამის დასახელება და პროგრამული კოდი: შინაგან საქმეთა სამინისტროს სისტემის მოსამსახურეთა ჯანმრთელობის დაცვის მომსახურეობით უზრუნველყოფა (30 04)

პროგრამის განმახორციელებელი: სსიპ საქართველოს შინაგან საქმეთა სამინისტროს ჯანმრთელობის დაცვის სამსახური

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	წლიური საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 04	შინაგან საქმეთა სამინისტროს სისტემის მოსამსახურეთა ჯანმრთელობის დაცვის მომსახურეობით	3,612.0	4,424.4	4,423.5	100.0%	214.32

	უზრუნველყოფა					
--	--------------	--	--	--	--	--

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

ექიმებთან მიღება გაიარა 94 427 პაციენტმა, სტომატოლოგიური მკურნალობა ჩატარდა 7 044 პაციენტს, ულტრაბგერითი დიაგნოსტიკის კაბინეტში ჩატარდა 3 838 გამოკვლევა, ფუნქციონალური დიაგნოსტიკის კაბინეტში ჩატარდა 5 580 გამოკვლევა, ფიზიოთერაპიულ კაბინეტში ჩატარებულ იქნა 14 936 პროცედურა, რენტგენოლოგიურ კაბინეტში მიღებულ იქნა 16 474 პაციენტი, ლაბორატორიული ანალიზი – 32 327, საინექციო კაბინეტში ჩატარდა 3 432 პროცედურა, მასაჟის კაბინეტში მიღებულ იქნა 5 383 პაციენტი, სულ კომისია გაიარა 4 763 პირმა. სტაციონალური სამედიცინო მკურნალობა გაიარა 1 060 პაციენტმა.

დასახული საბოლოო შედეგები:

- საქართველოს შინაგან საქმეთა სამინისტროს სისტემაში მიმაგრებული კონტინგენტის სრულყოფილი სამედიცინო მომსახურებით უზრუნველყოფა;
- დადგენილი წესით სამხედრო-საექიმო კომისიის ორგანიზება და ჩატარება;
- პენსიონერთა და უნარშეზღუდულთა სამედიცინო შემოწმება.

მიღწეული საბოლოო შედეგები: შენარჩუნდა და განმტკიცდა თანამშრომელთა ფიზიკური მდგომარეობა, შემცირდა შრომისუუნარობა.

მიღწეული საბოლოო შედეგების შეფასების ინდიკატორები:

- ბენეფიციართათვის გაწეული სამედიცინო მომსახურების ხარისხი;
- სამკურნალწამლო საშუალებებით უზრუნველყოფილი კონტინგენტი;